

**Okwukwo izi  
ke Ebo  
Pọlu gbaznennu  
Ele Tęsalonika**

**Nhne gbasiri okwukwo izi ka**

Pọlu panizoru nọtunu Chiokike mmamma kwnornu okwnata mkpọma nọ ọwhnun'anya ele Tęsalonika ke nooso oso ige ọbula (1:3). Ọ bụ n'ezi nọ be naagawhe agida mmekpẹhni, Pọlu naakanu be nọ Chiokike nọtule okwnata mkpọma be nwernu nọ hne ọ zị, ọ zá naata be awhnụwhnu (1:4,5).

Be whnụrnu okwukwo izi ke otu badnụ karu nọ Pọlu gbaru, ke nookwu nọ Nyenwe aị valẹm (2:2). Kọvu Pọlu nọodo be aka nọ nsni be kwékọ nye ọbula duwhu be, kwnornu nọ Nyenwe aị jáava tem “nye ojo wam” whuya iwhe (2:3).

Pọlu jiri okpukpe mesni okwukwo izi ka (3:16).

**Nhne zị n'okwukwo izi ka**

Obekwu ikwu (1:1,2)

Ọtu mmamma nọ okpukpe (1:3-12)

Nyenwe aị yáavage (2:1-12)

Buru nye be kwesiri okwnata mkpọma (2:13-17)

Kpe okpukpe, nọ masị ẹrnu (3:1-15)

Okpukpe ipne-aznụ (3:16-18)

<sup>1</sup> Mawa, Pọlu, nọ Saịlasi nọ Timoti naagba okwukwo gbaznenu ọgbako Chiokike ke zị nọ Tęsalonika, anu ele Chiokike Nda aị nọ Nyenwe aị Jizọsi Karaịsi. <sup>2</sup> Oru nọ udno ke hi n'aka Chiokike Nda aị nọ Nyenwe aị Jizọsi Karaịsi dazigidnenu anu.

### *Ọtu mmamma nụ okpukpe*

<sup>3</sup> A kwesiri nọtunu Chiokike mmamma nụ risi anụ ige ọbula, ke kakwo kwnornu nụ ọkwnata ovu anụ nooso oso kpakara ọbochi lele kpa ọwhnun'anya anụ nooso masị oso n'ẹhni ibne anụ. <sup>4</sup> A ji anụ noolu ọnu n'esilawuru ọgbako Chiokike kwnornu nụ ọkwnata ovu anụ gwuzo kwem nụ ruwhnu ọkpakna ẹhni nụ nhne ọrnurna anụ naagawhe.

<sup>5</sup> Ka neegesi nụ ikpe Chiokike zị snam, ke kpayarụ, be jọogwnusi anụ nụ ele kwesiri ọ bna ẹli-eze Chiokike ke anụ kwno naata awhnụwhnu.

<sup>6</sup> Chiokike bụ nye zị snam. O jaakpakna ele naakpakna anụ ẹhni. <sup>7</sup> O jeeme anụ ele be naakpakna ẹhni zukwaru inwe, ma aịla masị. Ka jọobu nga Nyenwe aị Jizọsi jaava hite n'oligwe, ya nụ ele enine izi a zị rikne nụ lele bẹkwnu noowu va-a-a.

<sup>8</sup> Ọ jaata kpakara ele máa Chiokike awhnụwhnu nụ ele zá noobno nsnị izi ọma gbasịri Nyenwe aị Jizọsi.

<sup>9</sup> Ọ jaata be awhnụwhnu ọkwnukokwnu, chịma be nụ ruwhnu Nyenwe aị nụ igwugwu ke iknernema a.

<sup>10</sup> N'ọbochi ọ jaava, ele ke a zị nsọ nụ kpakara ele kweru nụ ya jeenye a igwugwu, jaa a mma. Anụ joosno ele kweru ekwe kwnornu nụ anụ kweru izi ọma a znirni anụ.

<sup>11</sup> Ka bụ nhne a vu n'ovu neekpenu anụ okpukpe ige ọbula, ma Chiokike aị gwnụsi anụ ele kwesiri osukwu ikwu a, hite n'iknernema a mee kpakara nhne ọma anụ vu n'echiche mezu nụ kpakara nhne anụ neeme bụru nhne hi n'ọkwnata ovu. <sup>12</sup> Ka bụ ma be znarnị rẹwhna Nyenwe aị Jizọsi kwnornu nụ anụ, ma anụ kwnornu ya, hite n'oru Chiokike aị nụ Nyenwe aị Jizọsi Karaịsi.

## 2

### *Badnu wam ke noolulu Iwu*

<sup>1</sup> Nhne gbasiri ovuva ke Nyenwe a Jizosi Karaisi nu kpa a jeezneknwusi a, a naariasno anu rumu nda a, <sup>2</sup> mkpoma lako anu mini, ogwnu tuko anu kwnornu agwna izi owhnurninya, mabu izi berere, mabu okwukwo izi be naakaa nu a gbaru, ke naakaa n'obochi Nyenwe a jeehiehna whelem. <sup>3</sup> Anu kwe nye obula duwhu anu n'apna obula, kwnornu nu obochi Nyenwe a jeehiehna jaaava tem okne olulu wam nu nye wam noolulu iwu va. Nye wam bu nye Chiokike jaata awhnuwhnu okwnukokwnu, <sup>4</sup> O joovulizo ehni a olu megidne kpakara chi ele badnu neekpenu. O joogwuzote ehni a n'Oro Nso Chiokike kaa nu o bu Chiokike.

<sup>5</sup> Anu chenwanya nu m kannu m anu nhne ka nga me nu anu zi. <sup>6</sup> Anu magwu nhne noobnosni a ma o gharu o whuya iwhne kitna, kovu be jeegesi nye ojo wam n'ige kwesiri. <sup>7</sup> Kwnornu nu rikne nye wam noolulu iwu nonu ernu nu mgwugwa kitna, kovu nye wam ke noobnosni a jaazi koriri noobnosni a tem be gweme a n'apna. <sup>8</sup> Ige wam be jookpume nye wam noolulu iwu, nye Nyenwe a Jizosi jeeji inwe ke onu a gbu nu hite n'onwu va-a-a ke ovuva a. <sup>9</sup> Nga nye wam noolulu iwu jaava, Ekwensu jeegesi ernu ndu-ehni o kpahie anya zi odo n'odo nu nhne elekema nu ernu tu n'anya, <sup>10</sup> nu kpakara ernu ojo o jeeji nooduwhu ele nonwu onwu. Be whu etekne kwnornu nu be kwele o kweru ezi oka ma Chiokike zonia be. <sup>11</sup> Kam kpayaru, Chiokike ziznenu be rikne o mee nhne

búo ọma ma be kweru aghalaghala, <sup>12</sup> ka bú ma kpakara ele kwéle o kweru ezi ọka, ele whnurnu aruru-ẹli n'anya búru ele ikpe Chiokike marnu.

### *Gwuzosi rikne*

<sup>13</sup> Kọvu a nọtunu Chiokike mmamma ige ọbula kwnornu anu rumu nda aị, ele Nyenwe aị whnurnu n'anya. Hite n'ọpanizo, Chiokike ọhiaru anu ma ọ znọhia anu hite n'ernu Enine Nso ke neeme anu ziri nso, kwnornu nu anu kweruru ezi ọka. <sup>14</sup> Kam kpayaru, o sukwuru anu hite n'izi ọma aị, ma anu kehia igwe n'igwugwu Nyenwe aị Jizosi Karaisi. <sup>15</sup> Rumu nda aị, anu gwuzoru kwem, anu jikwasi nhne a znirni anu rikne, hite n'ikwu-ọnu mọbu ọkwukwo izi a gbaru.

<sup>16</sup> Kiti, Nyenwe aị Jizosi Karaisi n'iwhuru a nu Chiokike Nda aị, nye whnurnu aị n'anya, hite n'oru o nyernu aị nu olile anya búru ọma, mee a gwuzosi rikne, <sup>17</sup> gba anu inwe, mee anu gbasị rikne nu kpakara ernu ọma nu ikwu-ọnu.

## 3

### *Anu kpenu aị okpukpe*

<sup>1</sup> Ke ipne-aznu, rumu nda aị, anu kpenu aị okpukpe ma izi Nyenwe aị gbasia k'agida, nwernu masi igwugwu a lele kpa ọ zi n'esilawuru anu. <sup>2</sup> Kpe masi ma Chiokike dọhia aị n'aka ele ojo nu ele aruru-ẹli, kwnornu nu ọ búo kpakara badnu nwernu ọkwnata ovu. <sup>3</sup> Kọvu Chiokike bú nye kwesiri ọkwnata ovu, o jeenye anu rikne, kpusni anu hite n'aka nye ojo wam. <sup>4</sup> A tukwasiri Nyenwe aị mkpoma nu anu zi kọriri neeme neezne nu ruwhnu kpakara nhne a nyernu anu n'iwu.

<sup>5</sup> Nyenwe aị duru mkpoma anụ dụ n'òwhnun'anya Chiokike nụ ọsnuta mkpoma ke zị nụ rime Karaịsi.

*Ọ dọ aka nụ nsụ  
gbasiri ime mgwu*

<sup>6</sup> Rumu nda aị, a ji rẹwhna Nyenwe aị Jizọsi Karaịsi neenye anụ iwu, anụ zeru nnwọ nda ọbula ke bụ nye ime-mgwu, nye zá noowu budnu lele kpa nhne a znirni anụ. <sup>7</sup> Kwnornu nụ anụ magwu kpa anụ kwesiri o snornu nhne atụ aị. A búo ele ime-mgwu nga aị nụ anụ zị. <sup>8</sup> A ríge wiri nye ọbula ke a kwúla ọgwo. Tnụnuma, a dọgburu ẹhni aị n'ẹrnu iwhnehnie nụ abalị, nọornu ẹrnu ma a gharu ọ bụru ivu rinya nyee anụ. <sup>9</sup> Ka búo nụ a nwée rikne nahoru anụ nhne, kọvu ma a bụru ele anụ jomuhia nhne n'aka be. <sup>10</sup> Nga aị nụ anụ zị, a znirni anụ nhne ka, “Ọ bụru nụ nye ọbula jọornu ẹrnu, o rí wiri.”

<sup>11</sup> A nọonu nụ agwna ele badnụ dazị etekne, be mée nhne ọbula, ele nookwu ọka gbásila be. <sup>12</sup> A ji rẹwhna Nyenwe aị Jizọsi Karaịsi neenye be iwu, be gbasị rikne, rnụhia nhne be jeeri. <sup>13</sup> Rikne gwú anụ rumu nda aị n'ome nhne bụru ọma.

<sup>14</sup> Nye ọbula ke zá naabita nhne a gbaru n'okwukwo izi ka, anụ hnata nye wam ama. Anụ nụ nye wam mékọ nhne ọbula, ma iwhnerne tū a. <sup>15</sup> Kọvu anụ mée be ele irno anụ, anụ zni be ezni lele rumu nda.

*Obekwu ikwu ipne-aznụ*

<sup>16</sup> Kịtna, Nyenwe aị ke udno n'iwhuru a nyee anụ udno ige ọbula n'apna ọbula. Nyenwe aị dazigidnenu kpakara anụ.

<sup>17</sup> Mawa, Pọlu, ji aka m gba obekwu ikwu ipne-aznụ ka. Ka bụ nhne neegesi nụ mawa gbarụ obekwu ikwu ipne-aznụ ke me gbarụ.

<sup>18</sup> Oru Nyenwe aị Jizọsi Karaịsi dazigidnenu kpakara anụ.

## **Tesitamenti Ikne n'O<sub>nu</sub> Ikwere** **New Testament in Ikwere**

copyright © 2010 Wycliffe

Language: Ikwere

Translation by: Wycliffe

Ikwere – (ikw) Nigeria

The Iwerre language of Nigeria can also be spelled Ikwere and Ikwerri. This language is spoken primarily by the Ikwerre people who live in the Rivers State of Nigeria and is one of the many ethnic groups in the Niger Delta. There were more than 23,000 speakers of this language in 1973. There is also a considerable local interest in literacy and grammar.

### **Copyright Information**

© 2010, The Nigeria Bible Translation Trust. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789076369

New

### **The New Testament**

in Ikwere

© 2010, The Nigeria Bible Translation Trust.  
**All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 11 Nov 2022 from source files dated 29 Jan 2022

c17ee3a1-1c7a-5c05-8e0f-5043e8228d89